

**Հայաստանի Հանրապետության տնտեսական մրցակցության պաշտպանության
պետական հանձնաժողով**

2020-2022

ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԱՅԻՆ ԾՐԱԳՐԻ

ԵՎ 2020

ԹՎԱԿԱՆԻ ԲՅՈՒՋԵՏԱՅԻՆ ՖԻՆԱՆՍԱՎՈՐՄԱՆ ՀԱՅՏ

1. ԶԱՐԳԱՑՄԱՆ ՄԻՏՈՒՄՆԵՐԸ ՆԱԽՈՐԴՈՂ ՄԻՋՆԱԺԱՄԿԵՏ ՀԱՏՎԱԾՈՒՄ

Հայաստանի Հանրապետության տնտեսական մրցակցության պաշտպանության պետական հանձնաժողովը (այսուհետ՝ Հանձնաժողով) իր աշխատանքներն իրականացնում է տարեկան գործունեության ծրագրի հիման վրա: Ծրագիրն ապահովում է Հանձնաժողովի գործունեության ծրագրերի շարունակականությունը և ամրագրում Հանձնաժողովի լիազորությունների իրագործման խնդիրները, նպատակները, միջոցառումները և ապրանքային շուկաներում մրցակցության զարգացման գերակա ուղղությունները, ինչպես նաև, ելնելով ապրանքային շուկաներում մրցակցության զարգացման համար անհրաժեշտ միջոցառումները: Հանձնաժողովի գործունեության մեջ առանձնակի տեղ են զբաղեցնում ինստիտուցիոնալ կարողությունների զարգացումը և միջազգային համագործակցությունը:

Հանձնաժողովի կողմից իրականացվել է մի շարք ապրանքային շուկաների կառուցվածքի ուսումնասիրություն, որոշվել և գնահատվել է ապրանքային շուկաների կենտրոնացվածության աստիճանը, դրանցում մասնակից տնտեսվարող սուբյեկտների թիվը, գերիշխող դիրքի առկայությունը:

Հանձնաժողովի կողմից հաշվետու տարվա ընթացքում հայտնաբերվել են գերիշխող դիրք ունեցող տնտեսվարող սուբյեկտների կողմից մրցակցային օրենսդրության խախտման դեպքեր, որոնց առնչությամբ Հանձնաժողովը կայացրել է համապատասխան որոշումներ և կիրառել պատասխանատվության միջոցներ:

Հանձնաժողովը 2016-2018 թվականների ընթացքում իրականացրել է բազմաթիվ ուսումնասիրություններ, որոնք ուղղված են եղել տնտեսության տարբեր ոլորտներում և ապրանքային շուկաներում մրցակցային իրավիճակի գնահատմանը, ինչպես նաև դրանցում առկա մրցակցությանը խոչընդոտող հանգամանքների բացահայտմանը:

Հանձնաժողովն իրականացրել է աշխատանքներ համակենտրոնացումների կարգավորման ուղղությամբ, որոնք միտված են ապրանքային շուկաներում

մրցակցային պայմաններ ապահովելուն և մրցակցությունը սահմանափակող, ինչպես նաև գերիշխող դիրքի հանգեցնող կամ այդ դիրքն ամրապնդող գործարքների նկատմամբ հսկողություն իրականացնելուն: Ի դեպ, վերջին տարիներին զգալի աճ է նկատվել համակենտրոնացումներին առնչվող վարչական վարույթների հարուցման առումով, ինչը պայմանավորված է Հանձնաժողովի կողմից տնտեսվարող սուբյեկտների և հասարակության իրազեկվածության մակարդակի բարձրացմանն ուղղված միջոցառումների իրականացմամբ: Միաժամանակ, Օրենքի հնարավոր խախտումների բացահայտման նպատակով Հանձնաժողովին ներկայացված տեղեկատվության հիման վրա տարվա ընթացքում կատարվել են ուսումնասիրություններ տնտեսվարող սուբյեկտների միացումների, միաձուլումների, ինչպես նաև տնտեսվարող սուբյեկտի կողմից այլ տնտեսվարող սուբյեկտի փայաբաժնի, ակտիվների ձեռքբերումների և այլ միավորումների վերաբերյալ:

2016 թվականի ընթացքում Հանձնաժողովն ընդունել է 501 որոշում: Հարուցվել է ընդհանուր թվով 211 վարչական վարույթ, որից 132-ը՝ Հանձնաժողովի նախաձեռնությամբ, իսկ 79-ը՝ ստացված դիմում-բողոքների հիման վրա: Հարուցված վարչական վարույթների ընթացքում կիրառվել է 149 պատասխանատվության միջոց:

2017 թվականի ընթացքում Հանձնաժողովն ընդունել է 316 որոշում: Հարուցվել է ընդհանուր թվով 173 վարչական վարույթ, որից 85-ը՝ Հանձնաժողովի նախաձեռնությամբ, իսկ 88-ը՝ ստացված դիմում-բողոքների հիման վրա: Հարուցված վարչական վարույթների ընթացքում կիրառվել է 113 պատասխանատվության միջոց:

2018 թվականի ընթացքում Հանձնաժողովն ընդունել է 189 որոշում: Հարուցվել է ընդհանուր թվով 69 վարչական վարույթ, որից 64-ը՝ Հանձնաժողովի նախաձեռնությամբ, իսկ 5-ը՝ ստացված դիմում-բողոքների հիման վրա: Հարուցված վարչական վարույթների ընթացքում կիրառվել է 55 պատասխանատվության միջոց:

Հանձնաժողովի գործունեությունն առավել հրապարակային և թափանցիկ դարձնելու նպատակով 2016, 2017 և 2018 թվականների ընթացքում Հանձնաժողովն ակտիվորեն գործել է ծրագրային առաջնահերթությունների, մրցակցության ոլորտում

իրականացված աշխատանքների և դրանց արդյունքների վերաբերյալ հասարակության իրազեկման ուղղությամբ:

Հանձնաժողովի կողմից տարվա ընթացքում հայտնաբերվել են գերիշխող դիրք ունեցող տնտեսվարող սուբյեկտների կողմից մրցակցային օրենսդրության խախտման դեպքեր, որոնց առնչությամբ Հանձնաժողովը կայացրել է համապատասխան որոշումներ և կիրառել է պատասխանատվության միջոցներ: Բացի այդ, Հանձնաժողովը հսկողություն է իրականացրել գերիշխող դիրք ունեցող տնտեսվարող սուբյեկտների և առևտրային ցանցերի գործունեության նկատմամբ: Մասնավորապես Հանձնաժողովի ուշադրության կենտրոնում են եղել 57 պարենային ապրանքային շուկաներում 62 տնտեսվարող սուբյեկտների, ոչ պարենային 74 ապրանքային շուկաներում 46 տնտեսվարող սուբյեկտների, դեղերի 17 շուկաներում գործող 11 տնտեսվարող սուբյեկտների, 8 պարենային ապրանքների առևտրային ցանցերի, 4 բենզալցակայանների ցանցերի, 9 դեղատների ցանցերի, 4 սալիկների ու սանիտարական տեխնիկայի, 5 էլեկտրատեխնիկայի, 5 կահույքի, 4 շինանյութերի և ջեռուցման համակարգերի առևտրային ցանցերի գործունեությունը:

Շարունակվել է համագործակցությունը Լեռնային Ղարաբաղի Հանրապետության հանրային ծառայությունը և տնտեսական մրցակցությունը կարգավորող պետական հանձնաժողովի (այսուհետ՝ ԼՂՀ ՀԾՏՄԿՊՀ) հետ, որի շրջանակներում Հանձնաժողովի կողմից կազմակերպվել են փոխադարձ այցեր, քննարկվել են մի շարք ապրանքային շուկաներում կատարվող ուսումնասիրություններին առնչվող մեթոդաբանությանը և առկա փորձի փոխանակմանը վերաբերող հարցեր:

2016-2018թթ. Հանձնաժողովի կողմից ծախսվել է.

1.«Գործադիր իշխանության, պետական կառավարման հանրապետական և տարածքային կառավարման մարմինների պահպանում» ծրագրով համապատասխանաբար՝ 313515,8 հազ. դրամ (2016թ), 310632,2 հազ. դրամ (2017թ), 311383,7 հազ. դրամ (2018թ):

2.«Գործադիր իշխանության, պետական կառավարման հանրապետական և տարածքային կառավարման մարմինների կարողությունների զարգացում» ծրագրով համապատասխանաբար՝ 660,0 հազ. դրամ (2016թ), 8757,2 հազ. դրամ (2018թ.):

2. ՆՊԱՏԱԿՆԵՐԸ ԵՎ ԹԻՐԱԽՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

Հանձնաժողովը, հիմք ընդունելով տնտեսական մրցակցության իրավիճակի վերլուծության արդյունքում բացահայտված հիմնախնդիրները, ինչպես նաև հաշվի առնելով նախորդ տարիներին տնտեսական մրցակցության պաշտպանության ոլորտում կուտակած փորձը, 2020-2022 թվականներին ծրագրում է իրականացնել տնտեսական մրցակցության պաշտպանության քաղաքականությունը հետևյալ գերակա ուղղություններով.

- Սոցիալական նշանակություն ունեցող ապրանքային շուկաներում համաձայնեցված հակամրցակցային գործողությունների, գերիշխող (մենաշնորհ) դիրքի չարաշահման խախտումների բացահայտմանը և դադարեցմանն ուղղված գործողությունների ուժեղացում,

- Գերիշխող դիրք ունեցող տնտեսվարող սուբյեկտների համաձայնեցված հակամրցակցային գործողությունների, անբարեխիղճ մրցակցության դրսևորումների բացահայտում և դադարեցում,

- ՀՀ կառավարության, նախարարությունների, գերատեսչությունների և այլ շահագրգիռ մարմինների հետ մրցակցային արդյունավետ քաղաքականության ոլորտում համատեղ գործողությունների իրականացում,

- Մրցակցության փաստարկման և քարոզչությանն ուղղված աշխատանքների ուժեղացում, տնտեսական մրցակցության օրենսդրական հարցերում հասարակության տեղեկացվածության ապահովման աջակցություն,

- Պետական աջակցության տրամադրման նկատմամբ Հանձնաժողովի կողմից վերահսկողության իրականացում՝ ապրանքային շուկաներում մրցակցության սահմանափակման, կանխման կամ արգելման բնույթի խախտումների բացառման նպատակով:

Գերակա ուղղություններում նպատակների իրագործելիությունը Հանձնաժողովը ծրագրում է ապահովել նշված միջոցառումների կատարմամբ.

1. Հանձնաժողովի արդյունավետ գործունեությանն համահունչ ժամանակակից տեղեկատվական բազայի հայեցակարգի մշակում

2. Հակամրցակցային համաձայնությունների հայտնաբերման և բացահայտման նպատակով՝ ուսումնասիրություն, գնահատում, օրենքի խախտման դեպքում՝ պատասխանատվության միջոցի կիրառում և դադարեցում
3. Ապրանքային շուկաներում գերիշխող դիրք ունեցող տնտեսվարող սուբյեկտների վարքագծի ուսումնասիրում և հնարավոր չարաշահումների հայտնաբերում
4. Համակենտրոնացումների նկատմամբ վերահսկողություն
5. Անբարեխիղճ մրցակցության դրսևորումների բացահայտում և դադարեցում
6. Տնտեսական մրցակցությունը սահմանափակող, կանխող կամ Օրենքին հակասող պետական օժանդակության հայտնաբերում
7. Հանձնաժողովի կողմից ընդունված որոշումների կատարման նկատմամբ վերահսկողության իրականացում
8. Ազատ տնտեսական մրցակցությունը սահմանափակող վարչական խոչընդոտների հայտնաբերում և դադարեցում
9. Տնտեսվարող սուբյեկտի կողմից ներկայացված տեղեկատվության հավաստիության պարզում
10. ՁԼՄ-ների հրապարակումներին, տնտեսվարող սուբյեկտների դիմումներին, «թեժ գծի» միջոցով ստացված բողոքներին օպերատիվ արձագանքում
11. Հասարակության տեղեկացվածության բարձրացում
12. Տնտեսական մրցակցության պաշտպանության մասին օրենսդրության լրամշակում
13. Միջազգային համագործակցություն

	Գերակա ուղղություն			Հիմնավորում՝ համապատասխան հղումներով կառավարության տնտեսական և քաղաքական ծրագրերին
	2020	2021	2022	
1	Տնտեսական մրցակցության պաշտպանության պետական քաղաքականության դրույթների իրականացում			Հանձնաժողովը, նպաստելով ՀՀ կառավարության գործունեության միջոցառումների ծրագրով ստանձնած պարտավորությունների և գերակա խնդիրների իրականացմանը, ինչպես նաև ազատ և բարեխիղճ մրցակցության արդյունավետության բարձրացման նպատակով և ՀՀ կառավարության ամրագրված գործողությունների իրականացումը: Տնտեսական մրցակցության պաշտպանության պետական քաղաքականության դրույթների իրականացումը նպաստում է ներդրումային և գործարար միջավայրի բարելավման միջոցառումների համակարգված իրականացմանը:
2	«Տնտեսական մրցակցության պաշտպանության մասին» ՀՀ օրենքում փոփոխություններ և լրացումներ կատարելու, ինչպես նաև Օրենքի հիման վրա ընդունված նորմատիվ իրավական ակտերի լրամշակում և նոր նորմատիվ իրավական ակտերի ընդունում			Հանձնաժողովի որոշումների հիմնավորվածության բարձրացման առումով՝ «Տնտեսական մրցակցության պաշտպանության մասին» օրենքի խախտումների վերաբերյալ ապացույցների ձեռքբերման և ամրապնդման մեխանիզմների ընդարձակում, Հակամրցակցային գործունեության կանխարգելման, սահմանափակման և նախազգուշացման առումով, մենաշնորհ կամ գերիշխող դիրքի չարաշահման կանխման առումով մենաշնորհ կամ գերիշխող դիրք ունեցող տնտեսվարող սուբյեկտների կողմից գների չհիմնավորված բարձրացման, իջեցման կամ պահպանման և այլ չարաշահումների հայտնաբերման գործուն մեխանիզմների սահմանում, «Տնտեսական մրցակցության պաշտպանության մասին» օրենսդրության կիրարկման արդյունավետության

		բարձրացման նպատակով նորմատիվ իրավական ակտերի մշակում և (կամ) գործող նորմատիվ իրավական ակտերի կատարելագործում:
3	Ապրանքային շուկաներում «Տնտեսական մրցակցության պաշտպանության մասին» ՀՀ օրենքի չարաշահումների սահմանափակումը, կանխումը, արգելումը, ձեռնարկատիրության զարգացման նպաստումը	Փոքր և միջին ձեռնարկությունների ֆինանսական և ներդրումային, նորարարական և արտաքին տնտեսական, գործարար տեղեկատվական, խորհրդատվական և ուսուցողական ծառայություններից օգտվելու հնարավորությունների ընդլայնում
4	Կադրերի վերապատրաստման աշխատանքների իրականացման խթանում	Կադրերի մասնագիտական պատրաստվածության աստիճանը շարունակում է ծրագրերի իրականացման արդյունավետության վրա ազդող հիմնական գործոն հանդիսանալ, այս պայմաններում ՄԺԾԾ բոլոր երեք տարիների ընթացքում կադրերի վերապատրաստումը կմնա որպես կարևոր գերակայություն:
5	Միջազգային համանման կառույցներին ինտեգրվելը և փորձի փոխանակումը	Տնտեսական մրցակցության պաշտպանության իրավական համակարգի զարգացման նպատակով միջազգային փորձագետների հետ ակտիվ համագործակցությունը ծրագրված աշխատանքների իրականացման համար հանդիսանում է անհրաժեշտ գործոն:

Հայաստանի Հանրապետության տնտեսական մրցակցության պաշտպանության պետական հանձնաժողովին 2018 թվականին «Գործադիր իշխանության, պետական կառավարման հանրապետական և տարածքային կառավարման մարմինների պահպանում» ծրագրով պետական բյուջեից հատկացվել է 314768,9 հազ. դրամ:

2020-2022թթ. միջնաժամկետ ծախսերի ծրագրով կանխատեսվում է.

1.«Գործադիր իշխանության, պետական կառավարման հանրապետական և տարածքային կառավարման մարմինների պահպանում» ծրագրով համապատասխանաբար՝ 417085,5 հազ դրամ (2020թ), 418585,5 հազ դրամ (2021թ), 420585,5 հազ դրամ (2022թ):

2.«Գործադիր իշխանության, պետական կառավարման հանրապետական և տարածքային կառավարման մարմինների կարողությունների զարգացում» ծրագրով համապատասխանաբար՝ 3885,0 հազ դրամ (2020թ), 5550,0 հազ դրամ (2021թ), 5550,0 հազ դրամ (2022թ):

Հանձնաժողովը պետք է ունենա ապարատի պահպանման ծախսերի բավարար ծավալ, որպեսզի կարողանա պատշաճ մակարդակով իրագործել ներկայացված ծրագրի դրույթները: Անհրաժեշտ է հատուկ ուշադրություն հրավիրել աշխատակազմի աշխատանքի համար լիարժեք պայմանների ստեղծմանը, որը ներառում է ինչպես յուրաքանչյուր աշխատողի ժամանակակից, օպտիմալ շրջանակներում տեխնիկապես հագեցած, բարվոք աշխատանքային պայմանների և աշխատատեղերի ստեղծումը, այնպես էլ ներքին և արտաքին ցանցերով իրական տեղեկատվական բազայով և տեղեկատվական կենտրոնով ապահովումը:

Աշխատավարձի ֆոնդի տնտեսված գումարները և խրախուսման ֆոնդը կնպաստեն պետական և մասնավոր հատվածի աշխատողների վարձատրության համահարթեցմանը և մասնագետների արտահոսքի կրճատմանը: 2020-2022 թվականների համար «Պարգևատրումներ, դրամական խրախուսումներ և հատուկ վճարներ» հոդվածով նախատեսված գումարները կազմում են «Աշխատողների աշխատավարձեր և հավելավճարներ» հոդվածի 30%-ը:

Ախտահանման, մակաբույծների ոչնչացման ծառայությունների ծախսի չափը պայմանավորված է Հանձնաժողովի կողմից օգտագործվող տարածքի մակերեսով:

Կապի ծառայության հողվածով նախատեսված ծախսերը հիմնավորվում են համապատասխան մատակարարների հետ կնքված պայմանագրերով, որոնց ցանկը ներկայացված է ծախսերի հիմնավորումների տեղեկանքում:

Համակարգչային ծառայությունների հողվածով պլանավորված գումարը նախատեսվում է օգտագործել ՀԾ սպասարկման, Մալբերի էլեկտրոնային փաստաթղթաշրջանառության համակարգի տեխնիկական սպասարկման և կայքի սպասարկման ծառայությունների համար՝ համաձայն համապատասխան պայմանագրերի:

Տեղեկատվական այլ ծառայությունների շրջանակներում նախատեսվում է տեղեկատվական թերթիկների, բուկլետների, հոլովակների պատրաստում և տարածում սպառողների իրազեկվածության մակարդակի բարձրացման նպատակով:

Ընդհանուր բնույթի այլ ծառայությունների շրջանակներում նախատեսվում են վերելակների փորձաքննության, վերելակների սպասարկող մասնագետի տեխնիկական ուսուցման, լաբորատոր փորձագիտական ծառայություններ:

ՀՀ կառավարության 29.12.2005թ. N 2414-Ա որոշմամբ Հանձնաժողովին հատկացված տարածքը չի բավարարում աշխատասենյակների անհրաժեշտ քանակն ապահովելու համար, ուստի նախատեսվում է ավելացնել տարածքը, որի վերանորոգումով էլ պայմանավորված է շենքերի և կառույցների ընթացիկ նորոգման և պահպանման ծախսերի ավելացումը:

Հատուկ նպատակային այլ նյութերի հողվածով պլանավորված գումարով նախատեսվում է իրականացնել հսկիչ գնումներ՝ տնտեսվարող սուբյեկտների մոտ «Տնտեսական մրցակցության պաշտպանության մասին» ՀՀ օրենքի խախտումները բացահայտելու նպատակով:

Հանձնաժողովի ներկայացրած գործուղումների քանակը հիմնավորվում է տարեկան կտրվածքով ստացված հրավերների, միջազգային կառույցներին որպես անդամ հանդիսանալու և օտարերկրյա մրցակցային մարմինների հետ երկկողմ և բազմակողմ գործընկերության շրջանակներում տարբեր միջազգային միջոցառումներին մասնակցելու կարևորությամբ: Վերոհիշյալ համաժողովներին մասնակցությունը հնարավորություն է ընձեռում մասնակից լինել միջազգային տնտեսական մրցակցության ոլորտում առկա հիմնախնդիրների լուծման գործընթացին, խթանել մրցակցության օրենսդրության կիրարկման մեխանիզմները, միջազգային հանրությանը ծանոթացնել Հանձնաժողովի՝ վերջին տարիների ձեռքբերումներին, ինչպես նաև ստանալ մրցակցության

քաղաքականության կիրարկման ոլորտում նոր գիտելիքներ և փորձ: Գործուղման ծախսերի պլանավորման ժամանակ հաշվի է առնվել, որ դրանց գերակշիռ մասը հոգում են հրավիրող կողմերը:

Աշխատակիցների կողմից շահագործվող համակարգչային տեխնիկայի խմբաքանակները, ինչպես նաև կահույքը, մաշվել են և ֆիզիկապես, և բարոյապես, այդ իսկ պատճառով խիստ անհրաժեշտություն է առաջացել ձեռք բերելու ժամանակակից սերնդի համակարգչային տեխնիկա և գրասենյակային կահույք:

Հանձնաժողովի համար առաջնային խնդիր է ապրանքային շուկաների տնտեսական մրցակցության իրավիճակի գնահատման համար կենտրոնացված տվյալների բազայի ստեղծումը և համապատասխան ավտոմատ կառավարման համակարգի ներդրումը: Նախատեսվող համակարգչային ծրագրի շահագործումը կնպաստի Հանձնաժողովի աշխատանքների արդյունավետ իրագործմանը, ինչպես նաև հնարավորություն կտա Հանձնաժողովի ինտերնետային կայքից օգտվող շահառուներին ծանոթանալ անհրաժեշտ տեղեկատվությանը:

**ՄԺԾԾ ԺԱՄԱՆԱԿԱՏՎԱԾՈՒՄ ՀՀ ԿԱՌԱՎԱՐՈՒԹՅԱՆ ՈԼՈՐՏԱՅԻՆ
ՔԱՂԱՔԱԿԱՆՈՒԹՅՈՒՆԸ**

1. ՈԼՈՐՏԸ

Հանձնաժողովը «Տնտեսական մրցակցության պաշտպանության մասին» Հայաստանի Հանրապետության օրենքով (այսուհետ նաև՝ Օրենք) սահմանված նպատակի համաձայն՝ տնտեսական մրցակցության պաշտպանության ոլորտում պետական քաղաքականություն իրականացնող մարմին է: Հանձնաժողովը համաձայն որդեգրված հրամայականի՝ ամրագրում է տնտեսական մրցակցության իրավիճակի վերլուծությունը, 2020-2022 թվականների ընթացքում իրականացվելիք մրցակցային քաղաքականության գերակա ուղղությունները, առկա հիմնախնդիրների հիման վրա սահմանում է ապրանքային շուկաներում մրցակցության խթանման համար անհրաժեշտ միջոցառումները, արդի պայմաններում մրցակցության խրախուսմանն ու զարգացմանն ուղղված կարգավորման մեխանիզմները: Հայաստանի Հանրապետությունում տնտեսական զարգացման բնագավառի հիմնական գերակա ուղղությունը շարունակում է մնալ փոքր և միջին ձեռնարկատիրության զարգացումն ու աջակցումը: Ծրագիրն ապահովում է Հանձնաժողովի 2019-2021 թթ. միջնաժամկետ ծախսային ծրագրի շարունակությունը: Ծրագրի մշակման համար իրավական հիմք են հանդիսացել Հայաստանի Հանրապետության Սահմանադրությունը (հոդված 8), Հայաստանի Հանրապետության Քաղաքացիական օրենսգիրքը (հոդված 12), «Տնտեսական մրցակցության պաշտպանության մասին» Հայաստանի Հանրապետության օրենքը:

2. ՈԼՈՐՏԱՅԻՆ ՔԱՂԱՔԱԿԱՆՈՒԹՅԱՆ ՀԻՄՆԱԿԱՆ ԹԻՐԱԽՆՆԵՐԸ

Հանձնաժողովը, համաձայն ծրագրային բյուջետավորման գործընթացի, յուրաքանչյուր տարի պարտավոր է իրականացնել լայն սպառման պարենային և ոչ պարենային հինգ շուկաների ուսումնասիրություններ, որի արդյունքում պետք է պարզի

մրցակցային միջավայրին վերաբերող մի շարք ցուցանիշներ: Մասնավորապես, նախատեսվում է դիտարկել ապրանքային շուկայի կառուցվածքը, շուկայում գերիշխող դիրք ունեցող տնտեսվարող սուբյեկտների մասնաբաժինները, չհայտարարագրված և արգելված համակենտրոնացման, գերիշխող դիրքի չարաշահման, հակամրցակցային համաձայնության կայացման, անբարեխիղճ մրցակցության դեպքերի, վարչական վարույթների հարուցման, պատասխանատվության միջոցների կիրառման, Հանձնաժողովի որոշումների բողոքարկման ցուցանիշները:

3. ՈԼՈՐՏԱՅԻՆ ԾԱԽՍԱՅԻՆ ԾՐԱԳՐԵՐԸ ԵՎ ԾԱԽՍԱՅԻՆ ԳԵՐԱԿԱՅՈՒԹՅՈՒՆՆԵՐԸ

Հանձնաժողովը պետք է ունենա ապարատի պահպանման ծախսերի բավարար ծավալ, որպեսզի կարողանա պատշաճ մակարդակով իրագործել ներկայացված ծրագրի դրույթները: Անհրաժեշտ է հատուկ ուշադրություն հրավիրել աշխատակազմի աշխատանքի համար լիարժեք պայմանների ստեղծմանը, որը ներառում է ինչպես յուրաքանչյուր աշխատողի ժամանակակից, օպտիմալ շրջանակներում տեխնիկապես հագեցած, բարվոք աշխատանքային պայմանների և աշխատատեղերի ստեղծումը, այնպես էլ ներքին և արտաքին ցանցերով իրական տեղեկատվական բազայով և տեղեկատվական կենտրոնով ապահովումը:

Աշխատակիցների կողմից շահագործվող համակարգչային տեխնիկայի խմբաքանակները, ինչպես նաև կահույքը, մաշվել են և ֆիզիկապես, և բարոյապես, այդ իսկ պատճառով խիստ անհրաժեշտություն է առաջացել ձեռք բերելու ժամանակակից սերնդի համակարգչային տեխնիկա, գրասենյակային բազկաթոռներ և այլ կահույք:

4. ՈԼՈՐՏԱՅԻՆ ԾԱԽՍԵՐԻ ԳՆԱՀԱՏԱԿԱՆԸ

2020-2022թթ. միջնաժամկետ ծախսերի ծրագրով կանխատեսվում է.

1.«Գործադիր իշխանության, պետական կառավարման հանրապետական և տարածքային կառավարման մարմինների պահպանում» ծրագրով համապատասխանաբար՝ 417085,5 հազ դրամ (2020թ), 418585,5 հազ դրամ (2021թ), 420585,5 հազ դրամ (2022թ):

2.«Գործադիր իշխանության, պետական կառավարման հանրապետական և տարածքային կառավարման մարմինների կարողությունների զարգացում» ծրագրով

հանապատասխանաբար՝ 3885,0 հազ դրամ (2020թ), 5550,0 հազ դրամ (2021թ), 5550,0 հազ դրամ (2022թ):